

Mukuyu Anku-yenti ku-jarlappunu jel dappi nguppad dappi pukulu. Kodungunyu mu-jarlappunu dappi kunjong. Marnnga jin-jarlappunu, ranku a-jarlappunu, pudu-kadani.

Wolu Mukuyu Anku-yenti ku-jarlappunu jel dappi nguppad.

Mukuyu jel kun-nedi ku-ni. An-munyu a-ni a-workkuyunu. Wuda Mukuyu Anku-yenti a-weni, dengi-dengi lekki ku-ni.

Mukuyu Anku-yenti molu a-weni, kojuluppi ku-ledijingi. Ngardawu pukulu ku-ngordukkuntuyunu. Kun-nedingi waykkin ku-ji mitpi nguppad, dappi kun-nedingi wuppu ku-ji mitpi pukulu.

Mukuyu Anku-yenti molu a-weni, wuppu pukulu ku-ngardappi ku-kakkiji, jel kuna-peni.

Mukuyu Anku-yenti molu a-weni, ku-jel wengi munpu-lappu-lawu m-peni kodungunyu pudu-kutpi. Dappi kunjong ku-peni. Kun-molumolu.

Mukuyu Anku-yenti molu a-weni, marnnga jin-jarlappunu wana, dappi jin-telippa jin-jaranga. Dappi ranku a-jarlappunu. Pudu-kadani waykkin.

from Genesis 1:1-19

Jijjijja, minjak, apudupu-lappu-lawu Mukuyu
Anku-yenti pudu-jarlappunu.

Dappi Mukuyu Anku-yenti molu a-weni,
jijjijja ku-pukulu a-peni. Dappi pu-dajji
minjak waykkin awudi-dikidikingi. Anpu-
lappu-lawu a-jarlappunu Mukuyu Anku-yenti.

Dappi molu a-weni, minjak ku-jel
a-dikkingi a-dikidikingi. Anpu-lappu-lawu
a-jarlappunu, Mukuyu Anku-yenti.

from Genesis 1:20-25

Mukuyu Anku-yenti anku-kaliyi a-jarlappunu.
Dawu ku-kadani nulu, a-kudumudu. Padawu
meyelk jin-jarlappunu nulu, a-wunu.

Mukuyu Anku-yenti jel ku-dimidi, wudu
a-jarlappunu. Kuyu a-jidi a-pippijingi,
lekki anku-kaliyi anku-waywuyu a-ni.

Dappi dawu. Mukuyu Anku-yenti dawu
kun-molumolu ku-kadani. Kapu marnnga jina-
peyi jina-workkuyu ku-kadani. Kun-nelingki
Eden. Paliyi munpu-lawu mu-kadani. Lekki
anku-kaliyi a-kudumudu ku-dawu.

Mukuyu Anku-yenti a-weni nulu anku-
kaliyi. A-yeningi, "Alay, paliyi munpu-lawu
jal nyi-ni ny-pay, wuda mun-ngardappi jada
kala pada ny-pay. Mun-kapu munku-purda
marnkiy munku-neka kala pada ny-pay. Kunngi
kun-molumolu dappu kunngi kun-nedi, kunkunuyu
marnkiy munku-neka. Wuda nginyippi ny-
pardippi, ny-juwun waya."

Dappi Meyelk. Mukuyu Anku-yenti
a-yeningi, "Pu-dak molu ngu-jarlappu. Kala
yappi anku-kaliyi ngardappi a-ni a-workkuyu."
A-yenikatpi, lekki anku-kaliyi a-kudumudu,
ku-murnu a-yu. Anpul-wedi a-mengi nulu.
A-mengi, meyelk jin-jarlappunu. Jin-janji,
anku-kaliyi a-wunu. Anku-kaliyi a-yeningi
"Kippiyi! Jinkunu ngu-jorlu, ng-karli. Ngu-
wudu wengi nguna-pawunu, jina-peni. Jipu-
ngoduju pada meyelk."

Genesis 2:7-9a; 16-18; 21-23

Anku-kaliyi Wedi A-nekiyini
An-nedingi mitpi nguyumpulu
a-peni ajjili meyelk.
Pelipepika jinyu-nekidi.
Jin-jarlmunu, mun-jappudu mu-
mengi, m-padi. Dappi mu-kanji
nulu ana-kodunguppi ajji. A-
wunu. M-padi. Lekki marnkiy
awudinyu-ni awudiny-yarlanga.
Murлу mujidi mpidiny-mengi,
mpidiny-tani, awudiny-
padangumunu.

Nuwudu yi-dani ku-ni nippi Mukuyu Anku-yenti
dawu a-kukkukuwudu a-pamunu. Pudunyjuppi
awudiny-jurkkuju nulu, awudiny-yilkkakkiyini
kumu-karli. Wuda Mukuyu Anku-yenti a-
konjungu nulu anku-kaliyi. "Alay, yeni ny-
jaya?" Nippi anku-kaliyi a-yeningi, "Ngu-
yilkkakkiyi ngu-nidi alay. Ng-kurkkujudu
ngkulu, ngardawu ngu-yarlanga." Nippi
Mukuyu Anku-yenti a-yeningi, "Aningi a-weni
ngkulu ny-yarlanga? Wuda mun-jappudu ny-
padi iya?"

Lekki Mukuyu Anku-yenti a-weni nulu,
nguyumpulu kala molu a-jinji a-pampu, wuda
a-dikkingi a-pampurdu a-workkuyu. Dappi
mari a-weni nulu. A-yeningi, "Jinkunu
nginyippi nyidiny-pajji pada ajidinyu-neka.
Nyipudupu-reypureyku apudu-yawuyawuku nyipudu-
pajji pada nyipudu-ni. Jinkunu a-ma pada
nyidi-dajjijjiyi pada. Nginyippi ny-ta pada
deppiri a-jidi. Nippi jada pama ny-jidi
puy-da pada." Mukuyu Anku-yenti a-yenikatpi
a-weni nulu nguyumpulu.

Dappi Meyelk a-weni ajjili, telippa jin-parpparppurdu a-mangka jin-yorkkuyu. Anakodunguppi ajji jal jinyu-nidi nulu jin-yorkkuyu. Nippi mukuyu a-nidi ajjili.

Dappi wudu jel kun-nedi ku-nekidi nulu. Paliji ku-jel wengi mu-mangka a-workkuyu. Jama wana nulu. Ku-lakkula a-dajji a-nidi. Didijidi a-dajji jinyu-nidi. A-ngowudujjunga a-poyu. Dappi padawu a-juwuyu a-workkuyu.

Lekki anku-kaliyi jin-nelingki Eve jin-jadani ajjili mengkippi nuyu, (mitpi ngaypuduppi ngupudu-weyi ngupudu-workkuyu jinku-waywuyu). Ngardawu ku-poduwudu ajjili ngupuduku-waywuyu adu-mengi. (Dappi nippi wudu an-nelingki Adam, mitpi ngaypuduppi ngupudu-weyi ngupudu-workkuyu anku-kaliyi.)

Lekki Mukuyu Anku-yenti mu-jarlappunu pudunyjulu an-maliyidi kurnupurlu anaku-yenti. Awudiny-padangumudu.

Lekki pijidiny-palikkiji ku-wedingi. Ngardawu ku-maywuppi munku-purda mun-nedingi mu-jinji. Munku-raljji adu-neka ngupudu-molu ngupudu-nippi ngupudu-workkuyu. Wuda pudunyjuppi awudiny-yedi. Kala yappi mpidiny-pangini, awudiny-yedi awudinyu-nidinippi awudiny-yorkkuyunu.

from Genesis 3:1-11; 14-23